



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 409. De Udonis atque Amelungi, Episcopi Verdensis, traditione pro patre eorum Billingo in villa Ludulfinhus intra pagum Logne.

**urn:nbn:de:hbz:466:1-36114**

§. 409.

Tradiderunt udo et amelungus pro patre suo billing et matre hildiburg duas familias in *Ludolfinbus* (o) et iugera CXX et III iurnales.

et gubernante Corbeiam Luidolfo.

§. 410.

(o) *Ludolfinbus* villa fuit, Sarachone teste, in pago *Logne*. Procul dubio designatur vicus *Ludolfinbusen*, in principatu Gottingensi in praefectura Fridland obuius. Sed quis, querimus merito, *Billingus* est, pro quo bona intra eandem villam sita traduntur? An pater *Herimanni*, Saxoniae ducis? Ita viderur nobis. *Billinganos* enim in pago *Logne* bona quaedam possedisse, iam supra §. 104. not. (w), cum viro illustri *Grubero* consentientes, diximus. Sin vero *Billing* fuit pater *Herimanni* ducis; *Amelungum* fuisse oportet episcopum Verdensem. Duci enim *Herimanno* fuisse fratrem *Amelungum*, episcopum Verdensem, refert *Annalista Saxo* p. 302. Hic *Amelungus* erat, *Ditmaro* p. 337 seq., et *Chronico nostro* *Corbeienfi*, testibus, *Brunonis*, monachi e *Corbeia* nostra, antecessor. Eundem *Amelungum* iam anno 937 praefuisse ecclesiae Verdensi, comprobari potest e diplomate *Otonis Magni*, quod post *Meibomium*, *Sagittarium*, *Hahnium*, e *MSpto* edidit *I. G. Eccardus* in *Historia Genealog.* p. 135 seq. dummodo hoc diploma fuerit genuinum. Datum id est XI kal. Octobris anno 937 *Indictione XI*. Sed diei 21 Septembris non erat coniuncta *indictio XI*, sed IX. Quemadmodum vero speramus, hoc *sphalma*, quod alias ipsi diplomati falsitatis notam maculamque inurere posset, ex ipso autographo emendari posse; ita statuimus, iam anno 937 *Amelungum* rexisse ecclesiam Verdensem. Diu sane praefuisse *Amelungum* Verdensi episcopatu, patescit e *Ditmaro*, referente p. 338, illum in bona senectute obiisse ad III. nonas Maii. Quo anno *Amelungus* vitam cum morte commutauerit, eique *Bruno* successerit, in annalibus veterum aetate aequalium scriptorum relatum non legimus. Si *Bruno* monasterium *Ullesheim* iam anno 960 fundasset, prouti dominus *Conf. aul. Erath* in *Conspectu Hist. Brunf. Lun.* p. 8. cum *Schloepkenio* perhibet, *Amelungus* anno 960 non amplius in viuis fuisset, neque fides stare posset *Annalista Saxonis*, qui p. 302 mortem eius ad annum 962 refert. Ante annum 973 obiisse *Amelungum*, non dubitamus, quoniam id certum est. *Otto* enim I *Brunonem*, monachum *Corbeiensem*, *Amelungo* episcopo statuit successorem, teste *Ditmaro* p. 338. Eundem *Brunonem* rursus mortuum fuisse VII. id. Martii a. 976, idem *Ditmarus* retulit p. 342. Quidquid ergo de huius *Brunonis* papatu quidam blaterant, nugae sunt, *Amelungum* iam anno 972 vitalem auram reliquisse, patet ex decreto synodi *Ingelinheimensis*, quod e membrana in *Historia* nostra *Corbeienfi* producemus. In eo enim iam ad annum 972 obuius est *Bruno*, Verdensis Episcopus. Illud sane falsum est, *Brunonem* iam anno 960 fundasse monasterium in *Ullesheim*, prouti in *Historia monasterii Ullesheimensis* demonstrabimus. Scriptura certe cathedralis ecclesiae Verdensis multis scater naeus. Perspicitur praeterea e *Chronico nostro* *Corbeienfi*, *Amelungum* nondum anno 962 e vita exiisse. Haec enim, quas damus, traditiones docere nos possunt, cum adhuc anno 967 vitalem auram traxisset. Alium enim ibi per *Billingum* designari, quam patrem ducis *Herimanni*, nobis persuadere non possumus. *Billingum* animam reddidisse creatori anno 967 iam supra §. 104. not. (w) e factis *Corbeienfibus MSptis* commemorauimus. Cum hisce *Chronicon Corbeienfe MSptum* et coetaneum accuratissime concordat. Quodsi autem *Amelungus* fuit frater *Herimanni* ducis, *Amelungus* autem filius *Bilingi*; tunc sequitur, et *Billingum* fuisse patrem, et *Udonem* fuisse fratrem ducis Saxoniae *Herimanni*. Eum cum *Otto* I iam anno 937 principem militum constituisset, teste *Widkindo nostro* p. 643; idem *Widkindus* p. 644 eundem *Herimannum* iam ad annum 938 optimo solidoque iure ducem potuit appellare. Nihil ergo rationis videmus, quae nos impediatur, quo minus *Udonem*, cuius filius *Geuehardus* anno 938 occisus est in *Badiliki*, habeamus pro fratre ducis Saxonum *Herimanni*, cum ex his traditionibus discamus, *Udonem* fuisse fratrem *Amelungi*, et ea propter etiam fratrem *Herimanni*.

Kkk k 2